

مصیبت‌ها دوش‌ها را ، شاید یأس کثیر بر سره چالیشمه‌ی براقه جق‌ری
ایچون محو اولوب کیدر لر ؛ یوق ، او صیقنیدن قورتولوق ، اوفلاکتی
نمک ایچون اوغراشیرلر سه صوکنده موفق اولور لر . ایش همتی
بویوک ، عزیمی صاغلام طومتقه ، برده یسری اله کچیرمه‌نک یولنی
آرایه آرایه بولمده در . آرتق ، یسر عسک یانی باشنده در ، حقیقتی
لسان حقدن طویانلر ایچون کال اطمینان ایله چالیشمقدن باشقه
نه قالیر ؟ اللهک بومؤید تطمینی ، قرآنک بومؤکد تأمینی بشریت ایچون
نه قیمتی برتسلیتدر !

ذاتاً توفیق حقدن امیدنی کسمک ؛ یأسه ، قنوطه دوشمک
حرامدر . سعه ، مجاهده به ، عزمه صاریتق مسلمانلغک روحیدر .
(والذین جاهدوا فینا لنهیدینهم سبناً - لا تقنطوا من رحمة الله - ومن
يقنط من رحمة ربه الا الضالون - لا تأسوا من روح الله) کبی دها
برچوق امر لر ، نهیلر کوزیمزک اوکنده طورورکن یازقلر اولسون که
بز اور و حدن اوزاقلاشمیز ، کیتدجده اوزاقلاشیورز .

علیه الصلاة والسلام اقدیمز الله طرفدن کوندرلمش بر پیغمبر
ایکن ، نه قدر شداده ، نه قدر مصائبه معروض قالدی ! اذالر ، جفالر
تهدیدلر ، اولوملر ایچنده تک باشنه نصل اوغراشدی ! صوکرده دن
اطرافنه طویلانن صحابیلرندن ده نه بویوک فدا کارلقلر کوردلر ! لکن
اوموقت عسر نه سورکلی بریسه انقلاب ایتدی !

(فاذا فرغت فانصب) الله ذوالجلال رسول کزیننه دیورکه :
مادام عسک صوکی یسر در ؛ کرک کندیکه ، کرک امتکه مفید اوله جق
عباداتکدن ، مجاهداتکدن برینی بیتیرنجه دیکرینه آتیل ، بواوغورده
یورول . زیرا بویورغونلق عین راحتدر .

محمد عاکف

فِقْهُ وَفَتْاوی

فقه و عبارات اسلامی تاریخچه :

حج و کعبه

۲

حج و کعبه‌نک تاریخی خصوصنده بزجه محقق اولان بر شی
وارایسه اوده بونلرک حضرت ابراهیم ایله اوغلی اسماعیل علیهما السلام
طرفندن اجرا و بنا ایدیلش بولمایدیر . ابراهیم و اسماعیل علیهما السلام
اذن الهی اوزره کعبه معظمه‌ی بنا ایتلمی ، تمام اولونجه حج ایتلمی
کرک تاریخچه ، کرک نصوص قرآنی و احادیث نبویه‌جه صورت
قطعیده ثابت اولمشدر .

حضرت اسماعیلک معاوتیلله ابراهیم علیه السلامک کعبه‌ی ، بوکون
بولدینی موقع مبارکده بنا ایتیش بولمشی عربلر بیننده اوتهدنبری

مشهور ایدی . آثار جاهلیده بوکا دلالت ایده‌جک بر چوق شاهدلر
بولنه‌بیلیر . حضرت اسماعیلک احفاد و ذریتی ، حتی بونلرک تماسده
بولندقلری سائر قبائل عرب کعبه معظمه‌ی طواف و زیارت ایتدجکه ،
حج قیلدجکه بویوک بابالری حضرت خلیلک سنت شریفه‌لرینی احیا
ایله ملت خفیه اوزره بولندقلرینی اعتقاد ایدرلردی ؛ احرامه کیررکن ،
بیت شریفی کوررکن ، اینیشه اینر ، یوقوشه چیقارکن تلیه ایتک ،
اهلال ایتک ایله حضرت ابراهیمک بنای کعبه‌ی متعاقب جبل ابی قیسه
چیقارق وجوب حجی اعلان ایله انسانلری حجه دعوت بویورمسنه
قارشى اجابت ایتکده بولندقلرینی ایلرو سوربورلردی دیمکدر .

فتح مکه کونی کعبه معظمه دروننده کی اصنام و هیاکل چیقارکن
برده ابراهیم و اسماعیل علیهما السلامک اللریته ازالام صیقیشدیرلمش
صورتلری ده بولنش ایدی ، که شهسز عربلرجه کندیلمی کعبه‌نک
بانیشی طانیلمه‌لرندن صورتلری احتراماً اورایه وضع اولنمشیدی .

دین مبین اسلام دخی حضرت ابراهیمی بانی کعبه و ملت
خفیه‌نک بویوک بر رکنی اولوق اوزره طانیور . برده شریعت
اسلامیه‌نک تعلیم ایتدیکی مناسک ، حضرت خلیله نسبت اولنان ، بضاً
بعد بطن توارث طریقله بین العرب شیوع بولان نسکمرده مخالف
دکدر . بو حالده بر مسلم ، بر مؤرخ کعبه معظمه‌ی ، حج شریفی
دور خلیلده موجود اوله‌رق کوره‌بیلیر ..

فقط حضرت ابراهیم کعبه‌ی‌می حج ایچون بنا ایتدی ، یاخود
حجی‌می کعبه ایچون اجرا ایتدی ؛ ایشته بوراده هر ایکی شقی قبوله
یاردم ایده بیله‌جک سوزلر سویلک قابلدیر . حجک دور خلیلدن مقدم
دخی ولو ابتدائی بر صورتده اولسون موجود بولندیغه قائل اولور
ایسه‌ک کعبه‌نک حج ایچون بنا ایدیلش اولدیغه قائل اولوق ایچون یول
آچیلیر . یوق ، دور خلیلدن مقدم بین العرب حج اطلاقسه لایق
برشی بولمادیجی جهتی التزام ایتک دها حائر رجحان کوریلیرسه حجک
کعبه ایچون ، یعنی کعبه سیبیله مشروع ایدیلش اولدینی آکلاشیلیر .
ذاتاً علمای اسلام حضراتنک رأیلری ده بو مرکزده در . بیت اللهک
نفس وجوب حج ایچون سبب اولدینی ادله مقنعه ایله اثبات ایدیورلر .
بوندن حضرت خلیلک کعبه‌ی‌می بنا ایتدین اول حجک بولمادیجی آکلاشیلیر .
فقط بزجه محقق اولان بر شی وارسه اوده ابراهیم علیه السلام بنای
کعبه‌ی متعاقب حج ایتکله مأمور اولدی . حضرت ابراهیم اسماعیل
علیه السلام ایله ، بلکه برابرلرنده دها باشقه کیسه‌لرده بولندیجی حالده
ایفای حج ایتدیلر . مؤرخلر حج ابراهیمک کیفیتیه ده بیان ایدیورلر .
لکن بونصل معلوم اولمش ، بو بابده ویریلن تفصیلات زرده دن اقتباس
ایدیلش اولدینی بزجه بیلمه‌مدی . مع مافیه صرف مؤرخلرک ویردیکی
معلومات اوزره ، آتیا بو بابده سویلنه‌جک سوزلره مقدمه اوله‌رق
حج ابراهیمک مناسک و افعالی بوراده ذکر ایتیمی مناسب کوربورم .
حضرت ابراهیم اکمال کعبه‌ی متعاقب حرم شریفک حدودینی
تعین ایتدی . ذی الحجه‌نک یدنجی کونی بیت شریف مواجه‌سنده